

Epistola Patris Petri Biardi ad Reverendissimum  
Patrem Claudium Aquavivam, Præpositum  
Generalem Societatis Jesu, Romæ.  
(26 Maii, 1614.)

*(Transcripsit Pater Felix Martinus ex codice Latino  
qui Romæ in Archivis Jesu conservatur.)*

**A**DMODUM REVERENDE IN CHRISTO PATER,  
Pax Christi.

Et affectus et debitum cogunt ut ego nunc re-  
cens et multis maximisque periculis summo Dei bene-  
ficio et vestræ Paternitatis precibus ereptus, eam  
salutem et quoad possum ejus genibus provolutus  
amplectar; grato certe ao [animo] ac magno spiritu.  
Etenim velut aspicere me debeo ad pœnitentiam, ut  
spero, agendam et gratias exhibendas; tanti sunt ii  
casus e quibus me nunc liberatum admiror. Sed quo-  
niam nunc forte [2] importunum foret longam rerum  
ōium [omnium] historiam texere et credibile est Ves-  
tram Paternitatem multa jam ex P. Enemundo Mas-  
sæo inaudisse; omissis aliis hoc nunc solum explica-  
bo, quonam modo post nostram ab Anglis in Nova  
Francia oppressionem, circumducti simus variis locis  
ac tandem hic in patriam restituti.

Eramus ut Vestra Paternitas scit in Nova Francia  
quatuor [3] omnino e societate, anno superiore 1613.